

Pedro ape pũrĩ ojanemoca pũrĩ ni'i

A'ti pũrĩ a'tiro weero ojanopã nise ni'i

A'ti pũrĩrẽ Pedro Asia di'tapũ du'tistewã'cã'cãrãrẽ ojacũ niwĩ tja.

A'tiro ojacũ niwĩ. Jesucristore ãjõpeosere dojorẽrãrẽ, “Tojo niwe'le” ni dũcayusi'rĩrãnojõrẽ tu'omasĩdutigu ojacũ niwĩ.

Pedro Jesucristore ãjõpeorãrẽ oja'que ni'i

¹ Yũ'u Simó Pedro Jesucristore da'rawã'ñaco'tegũ cũ besecú'u'cũ mũsãrẽ añuduti'i. Nipe'tirã ãsã weronojõ ãjõpeorãrẽ a'ti pũrĩrẽ oja'a. Marĩ Jesucristore ãjõpeose añuse waro ni'i. Jesucristo marĩ wioũ marĩrẽ yũ'ruogũ cãrẽ ãjõpeocã weecũ niwĩ. Marĩrẽ ni'cãrõnojõ cũ yarã wa'acã weecũ niwĩ. ² Õ'acũ, tojo nicã marĩ wioũ Jesure masĩnemoña. Mũsã tojo weecã, na añuse, ejerisãjãsere o'oyũ'rumajãrãsama.

Jesucristore ãjõpeorãrẽ “A'tiro weeroũa'a” nise ni'i

³ Õ'acũ cũ macũ Jesucristore marĩrẽ masĩcã weecũ niwĩ. Cũrẽ masĩrã, cũ tutuaro me'rã marĩ cũ ãaro añurõ nisetimasĩrãsa'a. Jesucristo añuyũ'ruagũ, nipe'tise añurõ weegũ marĩrẽ cũ yarã nidutigu pijicũ niwĩ. ⁴ A'tiro wéegũ, cũ tutuaro me'rã marĩrẽ “Peje añurõ weeguti”, nicũ niwĩ. Cũ tojo ní'que añuse waro ni'i. Wapatiyũ'rua'a. Cũ “A'tiro weeguti” nise me'rã marĩ cũ weronojõ nisetimasĩrãsa'a. Tojo nicã mũsã a'ti turi cjase ña'ase ãaripejasere yũ'ruwetirãsa'a. ⁵ Mũsã Jesucristore ãjõpeotoja'a. Mũsã tutuaro põtõorõ a'tere weenemopeoya. Wãcũtutua, añurõ nisetiya. Tojo nise-tirã, Õ'acũ yere tu'omasĩnemoña. ⁶ Tu'omasĩnemorã,

mʉsā basu ña'arõ weesĩ'rĩrã, nʉ'cãña. Nʉ'cãrã, mejẽcã wa'acã, êjõpeodu'uticã'ña. Êjõpeodu'utirã, Õ'acũrẽ queoro êjõpeo, cũ ʉaro weeya. ⁷ Cũ ʉaro wéerã, ni'cũ põ'rã weronojõ mʉsã basu a'merĩ weetamuña. A'merĩ weetamurã, nipe'tirãrẽ ma'liña.

⁸ Mʉsã a'tere siape me'rã nemorõ weeturiawã'cãrã, marĩ wioɣʉ Jesucristore añurõ masĩrãsa'a. Cũ ʉaro weenemorãsa'a. “Mejõ waro cãrẽ êjõpeopã”, nisome. ⁹ Mʉsã tere tojo weetirã pe'e, caperi ï'aejatirã weronojõ nisa'a. Õ'acũ yere ne masĩtisa'a. Mʉsã todʉporoɣʉ ña'arõ wee'quere Jesucristo acobojo'quere wãcũtisa'a. ¹⁰ Yʉ'ʉ acawererã, mʉsã Õ'acũ bese'cãrã ni'i. Tojo weerã cũ bese'cãrã weronojõ nipe'tise mʉsã weepõtëorõ añurõ nisetiya. Mʉsã tojo weerã Jesucristore êjõpeodu'usome. ¹¹ Mʉsã añurõ weenu'cũrã, marĩ wioɣʉ Jesucristo tiropʉ ejarãsa'a. Topʉ marĩrẽ yʉ'rʉogʉ me'rã añurõ ninu'cũcã'rãsa'a.

¹² Yʉ'ʉ were'quere masĩtojasa'a. Tere masĩrã, du'ucũurõ marĩrõ mʉsã tʉ'o'quere añurõ weenu'cũrã wee'le. Mʉsã tere masĩmicã, acobojori nígũ, werenu'cũcũti. ¹³⁻¹⁴ Cã'rõacã du'sasa'a yʉ'ʉ wërĩatjo. Marĩ wioɣʉ Jesucristo yʉ'ʉre weretojami. Tojo weegʉ yʉ'ʉ catiro ejatuario yʉ'ʉ ucũ'quere wãcũato nígũ were'le. Yʉ'ʉ tojo werecã, “Añu nirõsa'a” ni wãcũgũ, tojo were'le. ¹⁵ Yʉ'ʉ wérĩca be'ro yʉ'ʉ were'quere añurõ wãcũnu'cũcã'to nígũ yʉ'ʉ põtëorõ añurõ weegati.

Pedro Jesucristo ʉrũgũɣʉ dʉcayucã ï'a'que ni'i

¹⁶ Marĩ wioɣʉ Jesucristo apaturi a'ti turipʉ tutuaro me'rã cũ a'tiatjere wereno'tojawʉ. Tere wererã, masã na weewʉaronojõ wãcũbajurẽ'que mejëtare werewʉ. ʉsã basu ʉrũgũɣʉ Jesú cũ tutuasere ï'awũ. ¹⁷ Cũ pacʉ Õ'acũ cũ tutuasere, cũ asistesere ï'ocã ï'awũ. Cũ tojo weeri cura ʉ'mʉseɣʉ ucũgũ, a'tiro niwĩ: “Ǻ'rĩ yʉ'ʉ macũ yʉ'ʉ ma'igũ

nimi. Cũ me'rá e'cati'i", niwĩ. ¹⁸ Cũ tojo ucũdijosere ũsã tu'owu. Titare marĩ wioꝝu me'rá ũrũgũꝝu niwũ. Cũ tigũꝝu níꝝũta asistewĩ.

¹⁹ Tojo wa'ase me'rá ũsã masĩwũ. “Dũporocjãrãꝝu Õ'acũ ye queti weremũ'tãrĩ masã diacjũta ojaꝝã Jesú ye cjasere”, niwũ. Na oja'que na'itĩ'arõꝝu sĩ'ocã bo'reyuse weronojõ ni'i. Tere bu'e, wãcũnũrũña. Tojo weerã marĩ Õ'acũ ũaro nisetimasĩrãsa'a. Téé Jesucristo apaturi a'ticãꝝu tere bu'e, wãcũnu'cũcã'ña. Bo'reamũjãticã ñocõawũ mũjãtaro weronojõ Jesucristo a'ti nucũcãꝝu a'tigũ, marĩ masĩtisere masĩcã weegũsami. ²⁰ A'te pũrĩcãrẽ añurõ tu'omasĩña. Õ'acũ ye queti weremũ'tãrã na “Tojo wa'arosa'a” ni oja'quere marĩ basu wãcũse me'rá “Tojo nisĩ'rĩrõ wee'e”, nímasĩtisa'a. Espĩritu Santu cũ weetamurõ me'rá pe'e marĩ tere tu'omasĩrãsa'a. ²¹ Õ'acũ ye queti weremũ'tãrĩ masãmarĩcã na oja'quere na wãcũse me'rá dia'cũ du'pocãtĩticãrã niwã. A'tiro pe'e weecãrã niwã. Na Espĩritu Santu i'õ, ojadutiro me'rá Õ'acũ yere ojacãrã niwã.

2

Nisoose me'rá bu'ese cjase ni'i (Jud 4-12)

¹ Dũporoꝝũre Israe curuacjãrã ni'cãrẽrã “ũsã Õ'acũ ye queti weremũ'tãrã ni'i”, nisoocãrã niwã. Na tojo wee'caro weronojõ mũsã tiropũ nirã quẽ'rã mejãrõta weesiruturãsama. Nisoose me'rá diacjũ weronojõ bu'erãsama. Tojo weerã mũsã ãjõꝝeose dojorẽrãsama. Jesú na ña'arõ wee'que bu'iri wẽrĩ wapaye'cu pe'ere ũasome. Na tojo weecã, Õ'acũ wãcũña marĩrõ narẽ bu'iri da'regũsami. ² Na numiarẽ a'metãrãsetisere pãjãrã Jesure ãjõꝝeorã i'acũurãsama. Na tojo weecã i'arã, Jesure ãjõꝝeotirã pe'e Jesú ye, diacjũ cjasere ña'arõ

ucūrāsama. ³ Niyerure ɯaripejarã, nisoose me'rã musārē bu'erāsama. Na tojo weese wapa narē bu'iri da'reatje niyutojasa'a. Ne yu'rūwetisome. Dɯporopɯ “Ō'acū narē bu'iri da'reno'rāsama”, nitojacɯ niwī.

⁴ Ō'acū dɯporopɯre ɯ'musecjārã cūrē wereco'terã nim-i'cārārē na ña'arō weecã, bu'iri da'recɯ niwī. Tojo weegɯ narē bu'iri da'rero na'it'i'ase tutiripɯ dɯ'tecūucō'acɯ niwī. Be'ro nipe'tirã masārē beseatji nɯmɯ nicã, narē bu'iri da're bajuriogɯsami. ⁵ Noé cū nícatero quē'rārē Ō'acū cūrē ējōpeoti'cārārē acobojojicɯ niwī. Acobojotigɯ, nipe'tirã masã ña'arārē miocō'acɯ niwī. Noé, cū nɯmo, pō'rã ɯmɯa i'tiarã, na nɯmosānumia dia'cūrē yu'rɯocɯ niwī. Noé masã wácūsere dɯcayuduti, “Añurō weeya”, ni werecɯ nimiwī. ⁶ Tojo nicã Ō'acū Sodoma, Gomorra wāmetise macārīcjārã quē'rārē bu'iri da'recɯ niwī. Bu'iri da'regɯ, ɯjɯ'que po'ca dia'cū cūñacã narē ɯjɯacō'abajuriocɯ niwī. Be'ropɯre ña'arō weerārē “Tojo wa'arosa'a” ni masīato nígɯ tojo weecɯ niwī. ⁷ Narē bu'iri da'regɯ, Lot añurō weegú dia'cūrē yu'rūweticã weecɯ niwī. Lot Sodomacjɯ āpērã ti macācjārã na ña'abutiase weecã i'agɯ, caributicɯ niwī. ⁸ Cū añugɯ nicɯ niwī. Na ña'arã wa'teropɯ nígɯ, ɯmɯcorinɯcū na ña'abutiase weecã i'agɯ, bujaweticɯ niwī. Tojo nicã na ña'arō ucūsere tu'ogɯ, bujawetinemopecɯ niwī. ⁹ Ō'acū narē tojo wee'quere wácūrã, a'tiro nímási'i. Ō'acū añurārē ña'arō wa'acã, yu'rūweticã weemasīsami. Ña'arã pe'ere cū bu'iri da'reatji nɯmɯ nicāpɯ bu'iri da'reacjɯ dɯ'tecūuyutojasami.

¹⁰ Masã ña'ase na upɯ cjase ɯaripeja weerānojōrē Ō'acū bu'iri da'reyu'rɯnɯ'cāgɯsami. Tojo nicã Jesucristo cū wiogɯ nisere na yu'rɯnɯ'cārānojōrē ɯpɯtu bu'iri da'regɯsami.

Sõ'onícãrã mûsãrẽ nisoosijari masã na ɰaro se'saro, no'lo ɰaro weema'acusiasama. Uiro marĩrõ ɰ'mûsepu nirá ape turicjãrã tutuarãrẽ bujicã'sama. ¹¹ Ʋ'mûsecjãrã Õ'acũrẽ wereco'terã pe'e nisoori masã yɰ'rɰoro tutuayɰ'rɰnɰ'cãrã nima. Tojo nimirã, ña'arã Õ'acũrẽ wereco'terã nimi'cãrãrẽ Õ'acũpɰre weresã, bujicã'tisama.

¹² Nisoori masã wa'icũrã weronojõ tɰ'omasĩtisama. Na tɰ'omasĩtisere no'lo ɰaro ucũma'asama. Na tɰ'oña'rõbajuro tɰ'oña'sama. Wa'icũrã bajuáca be'ro ñe'e wẽjẽcõ'ano'ajã weronojõ nisama. Na weronojõ na quẽ'rã wẽrĩdijarãsama. ¹³ ãpẽrãrẽ na ña'arõ wee'que wapa na quẽ'rã ña'arõ weeno'rãsama. Ʋmɰco, bajuyoropɰ no'lo ɰaro ña'arõ weebajaque'atitɰ'sasama. Mûsã bosenuɰmũrĩ weecã, na bopoyoro, ña'abutiaro weerã weesama. Weeta'sase me'rã e'catisama.

¹⁴ Numiarẽ ña'arõ wãcũse me'rã dia'cũ ï'asama. Na me'rã ña'arõ weesĩrĩsama. Ña'arõ weesere caributitisama. Ẽjõpeotutuaturãrẽ na weronojõ ɰaripejacã weesama. No'lo na ï'asenucũ ɰapo'cãrã niyurã, ɰanemocã'sama. Na bu'iri da'reno'ajã nima. ¹⁵ Õ'acũ ye, diacjũ cjasere du'urã, diacjũ nitise pe'ere sirutusama. Na dɰporocjũpɰ Balaã wãmetigu Beor macũ weronojõ weesama. Cũ Balaã ña'arõ weese me'rã niyeru wapata'asĩ'rĩcɰ niwĩ. ¹⁶ Cũ tojo weecã ï'agõ, cũ yago burra cũrẽ tu'tico niwõ. Burra ucũmasĩti'co nimigõ, Õ'acũ cũ weetamurõ me'rã masã ucũrõ weronojõ Balaãrẽ tu'tico niwõ. Co tojo nise me'rã cũ weema'asere du'ucã weeco niwõ.

¹⁷ Nisoori masã aco wijase peri si'bique'a'caro weronojõ nima. Te peri aco marĩrõ weronojõ na ña'arãrẽ añuse ãpẽrãrẽ weetamuse marĩsa'a. O'mecururi wĩ'rõ me'rã tuuwã'cãrõ weronojõ nima. No'lo ɰaro weenu'cũma. Na ni'cãdiacjũta ucũtisama. Bu'iri da'reno'ajã nitojama. Tojo

weerã na'itĩ'arõpũ tojota ni bajudutirãsama. ¹⁸ Nisoori masã ucũse wapamarĩsa'a. Masĩbutiarã weronojõ nisoose me'rã bu'esama. A'tiro nisama. “Marĩ no'õ ɰaro marĩ weetu'sarõnojo weecã, añu ni'i,” nisama. Tere nĩrã, na ña'arõ weewhase me'rã, tojo nicã na ña'arõ ɰaripejase me'rã ãpẽrãrẽ dojorẽsama. Jesucristore ẽjõpeowã'cãrãrẽ, ña'arõ weesere du'uwã'cãrãrẽ, apaturi na ña'arõ wee'quere ɰaripejacã weesama tja. ¹⁹ Na a'tiro nisama: “Mũsã ãpẽrã dutise doca niwe'e. Tojo weerã mũsã ɰaro weeya,” nimisama. Tojo nimirã, na basu ña'asere weedu'umasĩtirã, ña'ase dutise doca niwã'ñarã weronojõ nisama. Nipe'tise marĩ ña'arõ weesere du'umasĩtise te doca niwã'ñaco'tecã wee'e. ²⁰ Marĩ wiogũ Jesucristo marĩrẽ yu'ruogũre ẽjõpeorã, a'ti turi cjase ña'asere yu'ruwetiwũ. Tojo wéeca be'ro nimicã, apaturi ña'asere weenemopeorãnojo todũporo ni'caro nemorõ ña'arõ tojasama. ²¹ Diacjũta narẽ Jesucristo yere, diacjũ cjasere masĩtiyu'ruocã, añubopã. Na Jesucristore ẽjõpeoca be'ro añuse dutise, narẽ were'quere du'urã, ña'abutiario weerã weema. ²² Na apaturi ña'arõ weenemopeorã, masã na ucũwhasenojõ weerã weema. Na a'tiro ucũwhasama: “Diayi cũ etoacõ'aca be'ro apaturi cũ etoa'quere ba'asami tja.” Apeye quẽ'rã ni'i: “Yesere u'óca be'ro apaturi mejãrõta ù'irĩbũjũropũ sĩ'cõcũñasami tja.” Na Jesucristore ẽjõpeoca be'ro ña'arõ wéerã tja, te weronojõ nima.

3

Marĩ wiogũ apaturi a'tiatje ni'i

¹ Yu'ũ mairã, mũsãrẽ ni'cã pũrĩ ojatojawũ. Todũporoca pũrĩ, tojo nicã a'ti pũrĩ me'rã mũsãrẽ diacjũ wãcũato nígũ oja'a. Mũsã masĩ'quere wãcũnu'cũdutigũ were-casa'a. ² Dũporocjãrãpũ Õ'acũ ye queti weremu'tãrĩ masã añurã na oja'quere wãcũña. Tojo nicã marĩ wiogũ,

marĩrẽ yu'ruogu dutisere wãcũña. Tere ãsã Jesucristo besecũú'cãrã mãsãrẽ wereturiawu.

³ A'tere masĩmu'tãña. A'ti umuco pe'tiati dũporo masã Õ'acũ yere bujicã'rãsama. No'o na ña'arõ weesĩ'rĩsere weerãsama. ⁴ A'tiro nirãsama: “Jesucristo cũ 'A'tiguti' ní'que ¿de'ro wa'amitito?” nirãsama. A'tiro ni bujicã'rãsama. “Marĩ ñecũsumua wẽrĩdijape'tiatojama. A'ti turi ne weenu'cã'caro weronojõ mejãrõta ninu'cũcã'a. Ne a'tisome”, ni wãcũsama. ⁵ A'tiro wa'a'que pe'ere wãcũsĩ'rĩtisama. Dũporopu Õ'acũ cũ ucũse me'rã u'muse, a'ti turi bajurẽcu niwĩ. Cũ dutiro me'rã di'ta aco po'peapu ní'que bajuacaro niwũ. Tojo nicã aco me'rã a'ti turi cjase pĩ'rĩ, bucuacaro niwũ. ⁶ Aco me'rãta tja Noé nícaterore Õ'acũ a'ti turire miocõ'acũ niwĩ. Cũ tojo wee'que me'rã “Õ'acũ a'ti turire dũcayutojacu niwĩ”, ni masĩno'o. ⁷ A'tocatero nisepu majã u'muse nise, a'ti di'ta cjase pecame'e ãjũacõ'ano'atje ni'i. Be'ro Õ'acũ cũ ucũse me'rãta ãjũape'ocã'gũsami. Cũ masãrẽ besatji numu nicã, ña'arãrẽ bu'iri da'regu ãjũacõ'agũsami.

⁸ Yu'u mairã, a'tere wãcũña. Marĩ tu'oña'cã pe'ema, mil cũ'marĩ yoabuti'a. Õ'acũ pe'ere mil cũ'marĩ ni'cã numu weronojõ nisa'a. Ni'cã numu quẽ'rã cũrẽ mejãrõta mil cũ'marĩ weronojõ nisa'a. Ni'cãrõnojõ ï'asami. ⁹ Marĩ wiogu cũ “Apaturi a'tiguti” ní'quere masã a'tiro wãcũsama: “Yoogoyu'ruami”, nisama. Na wãcũse diacjũ niwe'e. Masãrẽ pajaña'gũ, maata a'titisami yujupu. Ne ni'cũrẽ pecame'epu wa'acã u'asami. Nipe'tirã na ña'asere bujaweti dũcayucã u'asami. Tojo weegu a'titisami yujupu.

¹⁰ Marĩ wiogu apaturi a'ti nucũcãpu a'tiri numu marĩ ne wãcũtiri numu nirõsa'a. Ni'cũ yajari masũ ñamipu wãcũña marĩrõ yajagu a'tigu weronojõ a'tigusami. Cũ dijatiri numu a'tiro wa'arosa'a. Pũrõ bususe me'rã nipe'tise

u'muarõpu nise pe'tia wa'arosa'a. Nipe'tise ñjũpe'tidija wa'arosa'a. A'ti di'ta cjase pe'e quẽ'rã, ñjũbajudutirosa'a.

¹¹ “Nipe'tise ñjũpe'tidija wa'arosa'a” nisere tu'o, ña'arõ weesetisere du'u, Õ'acũ uaro pe'e añurõ weenu'cũrã. ¹² Marĩ wiogu a'tiatjere e'catise me'rã cũrẽ co'terã. Cũrẽ maata a'tidutirã, marĩ añurõ weepõtẽota basioro añurõ weerã. Cũ a'tiri nũmu nicã, nipe'tise u'muarõ cjase ñjũpe'tidijarosa'a. Nipe'tise a'ti di'ta cjase, u'muarõpu cjase sipipe'tirosa'a. ¹³ Marĩ pe'e Õ'acũ cũ “Ape ma'ma u'muse, ma'ma di'ta weeguti” ní'quere co'te'e. Ti turipure nipe'tirã añuse dia'cũrẽ weerãsama.

¹⁴ Tojo weerã yu'u mairã, cũ a'tisere co'terã, nipe'tise musã weepõtẽorõ añurõ weeya. A'tiro weecã, Jesú a'tigu, musãrẽ añurã, bu'iri moorã, añurõ ejeripõ'rãtirãrẽ bo-caejagusami. ¹⁵ Musã a'tiro masiña. Marĩ wiogu marĩrẽ pajaña'gũ, marĩ yu'rucã uasãgũ co'tewapamosami. Tojo weegu maata a'titisami. Marĩ acaweregũ Pablo marĩ ma'igũ quẽ'rã tojota musãrẽ ojacu niwĩ. Õ'acũ cũrẽ masise o'ose me'rã tojo ojacu niwĩ. ¹⁶ Nipe'tise cũ oja'que pũrĩncũ Jesucristo apaturi a'tiatjere, tojo nicã marĩrẽ ña'arõ weeticã'to ní'gũ ojasami. Apeye ni'cãrẽ cũ oja'que diasayu'rua'a. Masitirã, tojo nicã ãjõpeotutuatirã tere ãpẽrãrẽ weresu'riacã'sama. Na apeye Õ'acũ ya pũrĩpu oja'quere weresu'riaro weronojõ weesama. Tojo weerã bu'iri da'reno'rãsama.

¹⁷ Yu'u mairã, yu'u musãrẽ na nisoorã weeatjere wereyutojapu. Musã tojo weerã masitoja'a. Na ña'arã musãrẽ nisoori ní'ã, tu'omasiña. Tojo nicã musãrẽ ãjõpeotutuarã ní'cãrãrẽ ãjõpeodu'ucã weeticã'to. ¹⁸ Marĩ wiogu Jesucristo marĩrẽ yu'ruogu pe'ere masĩnemoña. Cũ marĩrẽ ma'imi nisere masĩrã, cũrẽ nemorõ ãjõpeowã'cãña. Nipe'tirã ni'cãrõacãrẽ, be'ropũ quẽ'rãrẽ Jesucristore “Añuyũ'ruami”, ninu'cũcã'rã.

2 PEDRO 3:18

9

2 PEDRO 3:18

Tojota nirõua'a.
Tocã'rõta oja'a.
Pedro

Õ'âkã hi yeere uúkũri turi Tukano
New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 5 Feb 2018 from source files dated 21 Jan 2018

00ebd04f-7b0d-5a72-9407-eb53ae2bd086